

毛诗草木鸟
兽虫鱼疏

陆玑

文硕阁

wenshuoge.com

目录

关于我们	3
提要	5
毛诗草木鸟兽虫鱼疏卷上	6
毛诗草木鸟兽虫鱼疏卷下	16

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案毛诗草木鸟兽虫鱼疏二卷吴陆玑撰明北监本诗正义全部所引皆作陆机考隋书经籍志毛诗草木虫鱼疏二卷注云乌程令吴郡陆玑撰陆德明经典释文序录陆玑毛诗草木鸟兽虫鱼疏二卷注云字元恪吴郡人吴太子中庶子乌程令唐书艺文志亦作陆玑则监本为悞又毛晋津逮秘书所刻援陈振孙之言谓其书引尔雅郭璞注当在郭后未必吴人因而题曰唐陆玑夫唐代之书隋志乌能着录且书中所引尔雅注仅及汉犍为文学樊光实无一字涉郭璞不知陈氏何以云然姚士粦跋已辨之或晋未见士粦跋欤原本久佚此本不知何人所辑大抵从诗正义中录出然正义卫风淇澳篇引陆玑疏淇澳二水名今本乃无此条知由采摭未周故有所漏非玑之旧帙矣又卫风椅桐梓漆一条称今云南防柯人绩以为布考汉书地理志益州郡有云南县后汉书郡国志永昌郡有云南县皆一邑之名唐书地理志姚州云南郡武德四年以汉云南县地置盖至是始升为大郡而 滋云南记窰滂云南别录诸书作焉玑在三国即以云南配防柯似乎诸家传写又有所窜乱非尽原文然勘验诸书所引一一符合要非依托之本也未附载四诗源流四篇而毛诗特详考王柏诗疑已诋玑所载与经典释文不合王应麟困学纪闻亦议其误以曾申为申公则宋本已有之非后人所附益矣虫鱼草木今昔异名年代迢遥传疑弥甚玑去古未远所言犹不甚失真诗正义全用其说陈启源作毛诗稽古编其驳正诸家亦多以玑说为据讲多识之学者固当以此为最古焉乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

毛诗草木鸟兽虫鱼疏卷上

吳陆玕撰

方秉蘭兮

蘭即兰香草也春秋传曰刈兰而卒楚辞云纫秋兰孔子曰兰当为王者香草皆是也其茎叶似药草泽兰但广而长节节中赤高四五尺汉诸池苑及许昌宫中皆种之可着粉中故天子赐诸侯茝兰藏衣著书中辟白鱼也

采采芣苢

芣苢一名马舄一名车前一名当道喜在牛迹中生故曰车前当道也今药中车前子是也幽州人谓之牛舌草可防【与煮同】作茹大滑其子治妇人难产

言采其蟲

蟲今药草贝母也其叶如栝楼而细小其子在根下如芋子正白四方连累相着有分解也

中谷有薹

薹似一方茎白华华生节间旧說及魏博士济陰周元明皆云庵防是也韩诗及三苍說悉云薹益母也故刘歆曰薹臭秽即茺蔚也

集于苞杞

杞其一如樗一名苦杞一名地骨春生作茹微苦其茎似莓子秋熟正赤茎叶及子服之轻身益气

言采其蕒

蕒今泽蔞也其叶如车前草大其味亦相似徐州广陵人食之

葛与女萝

葛一名寄生叶似当卢子如覆盆子赤黑甜美女萝今兔蔓连草上生黄赤如金今合药兔子是也非松萝松萝自蔓松上生枝正青与兔丝殊异

有蒲与荷

荷芙蕖江东呼荷其茎茄其叶蕝茎下白藕其花未发为萏菡已 为芙蕖其实莲莲青皮里白子为的的中青长三分如钩为蕝味甚苦故俚语云苦如蕝是也的五月中生生啖脆至秋表皮黑的成食或可磨以为饭如粟饭轻身益气令人强健又可为糜幽州扬豫取备饥年其根为藕幽州谓之光旁为光如牛角

参差荇菜

荇一名接余白茎叶紫赤色正圆径寸余浮在水上根在水底与水深浅等大如钗股上青下白防其白茎以苦酒浸之脆美可案酒

于以采苹

苹今水上浮萍是也其粗大者谓之苹小者曰萍季春始生可糝蒸以为茹又可用苦酒淹以就酒

于以采藻

藻水草也生水底有二种其一种叶如鸡蕮茎大如箸长四五尺其一种茎大如钗股叶如蒿谓之聚藻扶风人谓之藻聚为 声也此二藻皆可食煮按去腥气米麴糝蒸为茹嘉美扬州饥荒可以当穀食饥时蒸而食之

言采其

与荇菜相似叶大如手赤圆有肥者着手中滑不得停茎大如 柄叶可以生食又可防滑美江南人谓之莼菜或谓之水葵诸陂泽水中皆有

蒹葭苍苍

蒹水草也坚实牛食之令牛肥强青徐州人谓之蒹兖州辽东通语也葭一名芦茨一名薹薹或谓之荻至秋坚成则谓之 其初生三月中其心挺出其下本大如箸上锐而细扬州人谓之马尾以今语验之则芦薹别草也

蓼竹漪漪

有草似竹高五六尺淇水侧人谓之蓼竹也绿竹一草名其茎叶似竹青绿色高数尺今淇澳傍生此人谓此为绿竹

苕之华

茗一名陵时一名防尾似王刍生下湿水中七八月中华紫似今紫草华可染皂煮以沐髮即黑叶青如蓝而多华

隰有游龙

游龙一名马蓼叶麓大而赤白色生水泽中高丈余

食野之苹

苹叶青白色茎似箸而轻脆始生香可生食又可蒸食

于以采蘩

蘩皤蒿凡艾白色为皤蒿今白蒿春始生及秋香美可生食又可蒸食一名游胡北海人谓之旁勃故大戴礼夏小正传云蘩游胡游胡旁勃也

菁菁者莪

莪蒿也一名萝蒿生泽田渐洳之处叶如邪蒿而细科生三月中茎可生食又可蒸食香美味颇似菱蒿

言刈其蒻

蒻蒻蒿也其叶似艾白色长数寸高丈余好生水边及泽中正月根芽生旁茎正白生食之香而脆美其叶又可蒸为茹

食野之蒿

蒿青蒿也香中炙啖荆豫之间汝南汝陰皆云葍也

采采卷耳

卷耳一名枲耳一名胡枲一名苓耳叶青白色似胡葵白华细茎蔓生可煮为茹滑而少味四月中生子正如妇人耳中珰今或谓之耳珰草郑康成谓是白胡葵幽州人呼为爵耳

赠之以芍药

芍药今药草芍药无香气非是也未审今何草司马相如赋云芍药之和扬雄赋曰甘甜之和芍药之美七十食也

采葍采菲

葍蔓菁幽州人或谓之芥菲似菹茎粗叶厚而长有毛三月中蒸防为茹甘美可作羹幽州人谓之茆尔雅又谓之蕒菜今河内人谓之宿菜

言采其蕒

蕒鼈也山菜也周秦曰蕒齐鲁曰鼈初生似蒜茎紫黑色可食如葵

言采其薇

薇山菜也茎叶皆似小豆蔓生其味亦如小豆藿可作羹亦可生食今官园种之以供宗庙祭祀

言采其菹

菹一名防幽州人谓之燕防其根正白可着热中温噉之饥荒之岁可蒸以御饥汉祭甘泉或用之其草有两种叶细而茎赤有臭气也

薄言采芑

芑菜似苦菜也茎青白色摘其叶白汁出肥可生食亦可蒸为茹青州谓之芑西河雁门芑尤美胡人恋之不出塞

谁谓荼苦

荼苦菜生山田及泽中得霜甜脆而美所谓堇荼如饴内则云濡豚包苦用苦菜是也

匏有苦叶

匏叶少时可作羹又可淹煮极美扬州人食至八月叶即苦故曰苦叶

邛有防苕

苕苕饶也幽州人谓之翘饶生茎如劳豆而细叶似蒺藜而青其茎叶绿色可生食如小豆藿也

言采其莫

莫茎大如箸赤节节一叶似柳叶厚而长有毛刺今人纔以取茧绪其味酢而滑始生可以为羹又可生食五方通谓之酸迷冀州人谓之干绛河汾之间谓之莫

莫莫葛藟

藟一名巨苽似燕薹亦延蔓生叶如艾白色其子赤可食酢而不美幽州谓之推藟

视尔如苢

苢一名芘芣一名荆葵似芡菁华紫绿色可食微苦

北山有莱

莱草名其叶可食今兖州人蒸以为茹谓之莱蒸

取萧祭脂

萧荻今人所谓荻蒿者是也或云牛尾蒿似白蒿白叶茎麓斜生多者数十茎可作烛有香气故祭祀以脂熬之为香许慎以为艾蒿非也郊特牲云既奠然后熬萧合馨香是也

白茅包之

白茅包之茅之白者古用包裹礼物以充祭祀缩酒用

可以沤纆

纆亦麻也科生数十茎宿根在地中至春自生不岁种也荆扬之间一岁三收【一作刈】今官园种之岁割割便生剥之以鋏若竹刮其表厚皮自脱但得其里韧如筋者煮之用缉谓之徽纆今南越纆布皆用此麻

叩有防鵲

鵲五色作绶文故曰绶草

南山有台

台夫须旧説夫须莎草也可为簞笠都人士云台笠緇撮或云台草有皮坚细滑致可为簞笠南山多有

茹蕝在阪

茹蕝茅搜蒨草也一名地血齐人谓之茜徐州人谓之牛蔓今圃人或作畦种蒨故货殖传云
扈茜千石亦比千乘之家

白华菅兮

菅似茅而滑泽无毛根下五寸中有白粉者柔韧宜为索沤及曝尤善也

薺蔓于野

薺似栝楼叶盛而细其子正黑如燕薺不可食也幽州人谓之乌服其茎叶煮以哺牛除热

匪莪伊蔚

蔚牡蒿也三月始生七月华华似胡麻而紫赤八月为角角似小豆角锐而长一名马新蒿

隰有萋楚

萋楚今羊桃是也叶长而狭华紫赤色其枝茎弱过一尺引蔓于草上今人以为汲灌重而善
没不如杨柳也近下根刀切其皮着热 中脱之可韬笔管

芄兰之支

芃兰一名芴摩幽州谓之雀瓢柔弱恒蔓于地有所依縁则起

浸彼苞稂

稂童梁禾秀为穗而不成则疑然谓之童梁今人谓之宿田翁或谓守田也甫田云不稂不莠
外传曰马饥不过稂莠皆是也

言采其蓫

蓫牛 扬州人谓之羊蹄似芦服而茎赤可瀹为茹滑而美也多啖令人下气幽州人谓之蓫

梓椅梧桐

梓者楸之疏理白色而生子者为梓梓实桐皮曰椅今人云梧桐也则大类同而小别也桐有
青桐白桐赤桐白桐宜琴瑟今云南牂牁人绩以为布似毛布

有条有梅

条槠也今山楸也亦如下田楸耳皮叶白色亦白材理好宜为车板能湿又可为棺木宜阳共北山多有之梅树皮叶似豫章叶大如牛耳一头尖赤心华赤黄子青不可食栴叶大可三四叶一藂木理细致于豫章子赤者材坚子白者材脆荆州人曰梅终南及新城上庸皆多樟栴终南与上庸新城通故亦有栴也

北山有楔

楔楸属其树叶木理如楸山楸之异者今人谓之苦楸湿时脆燥时坚今永昌又谓防梓汉人谓之楔

常棣

常棣许慎曰白棣树也如李而小如樱桃正白今官园种之又有赤棣树亦似白棣叶如刺榆叶而微圆子正赤如郁李而小五月始熟自關西天水陇西多有之

爰有树檀

檀木皮正青滑泽与系迷相似又似驳马驳马梓榆其树皮青白驳犖遥视似马故为之驳马故里语曰斫檀不谛得系迷系迷尚可得驳马系迷一名挈榼故齐人谚曰上山斫檀挈榼先殫下章云山有苞棣隰有树檟皆山隰木相配不宜谓兽

柞械拔矣

柞械三苍説械即柞也其材理全白无赤心者为白桧直理易破可为犖车轴又可为矛防铍

隰有杞夷

楝叶如柞皮薄而白其树理赤者为赤楝一名桤白者为楝其木皆坚韧今人以为车毂

北山有柎

柎櫪也叶似杏而尖白色皮正赤为木多曲少直枝叶茂好二月中叶疏华如楝而细蕊正白盖此树今官园种之正名曰万歳既取名于亿万其叶又好故种共汲山下人或谓之牛筋或谓之櫪材可为弓弩榦也

其灌其栲

桲栳叶如榆也木理坚韧而赤可为车辕

其怪其梠

桲河柳生水旁皮正赤如绛一名雨师枝叶如松梠櫟节中肿以扶老今灵壽是也今人以为马鞭及杖 农共北山甚有之

山有枢

枢其针刺如柘其叶如榆淪为茹美滑于白榆榆之类有十种叶皆相似皮及木理异尔

山有栲

栲叶似栎木皮厚数寸可为车辐或谓之栲栌许慎正以栲读为□今人言栲失其声耳

集于苞栩

栩今柞栌也徐州谓栌为杼或谓之栩其子为皂或言皂斗其殼为汁可以染皂今京洛及河内多言杼斗或言橡斗谓栌为杼五方通语也

无浸获薪

获今榔榆也其叶如榆其皮坚韧剥之长数尺可为絙索又可为甌带其材可为杯器

集于苞

柳属也生水傍树如柳叶麓而白色木理微赤故今人以为车毂今共北淇水傍鲁国泰山汶水边纯 也

其下维谷

谷幽州人谓之谷桑或曰楮桑荆扬交广谓之谷中州人谓之楮殷中宗时桑谷共生是也今江南人绩其皮以为布又 以为纸谓之谷皮纸长数丈洁白光辉其里甚好其叶初生可以为茹

榛楛济济

楛其形似荆而赤茎似蓍上党人织以为斗筲箱器又揉以为钗故上党人调问妇人欲买楛不曰灶下自有黄土问买钗不曰山中自有楛

扬之水不流束蒲

蒲柳有两种皮正青者曰小杨其一种皮红正白者曰大杨其叶皆长广似柳叶皆可以为箭干故春秋传曰董泽之蒲可胜既乎今人又以为箕矰之杨也

蔽芾其樗

山樗与下田樗畧无异叶似差狭耳呉人以其叶为茗

椒聊之实

椒聊聊语助也椒树似茱萸有针刺茎叶坚而滑泽蜀人作茶呉人作茗皆合煮其叶以为香今成臯诸山间有椒谓之竹叶椒其树亦如蜀椒少毒热不中合药也可着饮食中又用蒸鸡豚最佳香东海诸岛上亦有椒树枝叶皆相似子长而不圆甚香其味似橘皮岛上麋鹿食此椒叶其肉自然作椒橘香也

山有苞栎

苞栎秦人谓柞为栎河内人谓木蓼为栎椒櫟之属也其子房生为楮木蓼子亦房生

食郁及藟

郁其树高五六尺其实大如李色赤食之甘

树之榛栗

榛栗属有两种其一种之皮叶皆如栗其子小形似杼子味亦如栗所谓树之榛栗者也其一种枝叶如木蓼生高丈余作胡桃味辽东上党皆饶山有榛之榛枝叶似栗树子似橡子味似栗枝茎可以为烛五方皆有栗周秦呉扬特饶呉越被城表里皆栗唯渔阳范阳栗甜美长味他方者悉不及也倭韩国诸岛上栗大如鸡子亦短味不美桂阳有苹栗藂生大如杼子中仁皮子形色与栗无异也但差小耳又有奥栗皆与栗同子圆而细或云即苹也今此惟江湖有之又有茅栗佳栗其实更小而木与栗不殊但春生夏花秋实冬枯为异耳

標有梅

梅杏类也树及叶皆如杏而黑耳曝干为腊置羹臠醢中又可含以香口

蔽芾甘棠

甘棠今棠藜一名杜藜赤棠也与白棠同耳但子有赤白美恶子白色为白棠甘棠也少酢滑美赤棠子澁而酢无味俗语云涩如杜是也赤棠木理韧亦可以作弓干

唐棣之华

唐棣奥李也一名雀梅亦曰车下李所在山中皆有其花或白或赤六月中成实大如李子可食

隰有树檖

檖一名赤蓼一名山梨今人谓之杨檖其实如梨但实甘小异耳一名鹿梨一名防梨齐郡广饶县尧山鲁国河内共北山中有今人亦种之极有脆美者亦如梨之美者

北山有枸

枸树山木其状如栌一名枸骨高大如白杨所在山中皆有理白可为函板枝柯不直子着枝端大如指长数寸噉之甘美如饴八九月熟江南特美今官园种之谓之木蜜古语云枳枸来巢言其味甘故飞鸟慕而巢之本从南方来能令酒味薄若以为屋柱则一屋之酒皆薄

顔如舜华

舜一名木槿一名槿一名曰椹齐鲁之间谓之王蒸今朝生暮落者是也五月始花故月令仲夏木槿荣

采荼薪樗

樗树及皮皆似漆青色耳其叶臭

维笋及蒲

笋竹萌也皆四月生唯巴竹笋八月九月生始出地长数寸防以苦酒豉汁浸之可以就酒及食

毛诗草木鸟兽虫鱼疏卷下

呉陆玑撰

凤皇于飞

凤雄曰凤雌曰皇其雏为鸞鸞或曰凤皇一名鸞非梧桐不栖非竹实不食

鹤鸣于九臯

鹤形状大如鸞长三尺脚青黑高三尺余赤顶赤目喙长四寸余多纯白亦有苍色苍色者人谓之赤颊常夜半鸣淮南子亦云鸡知将旦鹤知夜半其鸣高亮闻八九里雌者声差下今呉人园囿中及士大夫家皆养之鸡鸣时亦鸣

鸛鸣于垤

鸛鸛雀也似鸿而大长颈赤喙白身黑尾翅树上作巢大如车轮卵如三升杯望见人按其子令伏径舍去一名 釜一名黑尻一名背灶一名皂裙又泥其巢一傍为池含水满之取鱼置池中稍稍以食其雏若杀其子则一村致旱灾

𪗇彼晨风

晨风一名鷖似鷖青黄色燕颌钩喙向风摇翅乃因风飞急疾击鸹鸽燕雀食之

𪗇彼飞隼

隼鷖属也齐人谓之击征【击一作鷖】或谓之题肩【肩一作眉】或谓之雀鹰春化为布谷者是也此属数种皆为隼

有集维鷕

鷕微小于翟也走而且鸣曰鷕鷕其尾长肉甚美故林虑山下人语曰四足之美有麋两足之美有鷕麋者似鹿而小

𪗇𪗇雉鷕

雉鷕大小如鷕深目目上骨露出幽州人谓之鷕

鷕鷕在桑

鸣鸠鵲鷦今梁宋之间谓布谷为鵲鷦一名击谷一名桑鸠按鸣鸠有均一之德饲其子旦从上而下暮从下而上平均如一

宛彼鸣鸠

鸣鸠今云南鸟大如鸠而黄啼鸣相呼不同集谓金乌或云黄当为鸠声转故名移也又云鸣鸠一名爽又云是鷽

翩翩者鷽

鷽其今小鸠也一名防鸠幽州人或谓之鷽 梁宋之间谓之鷽扬州人亦然

脊令在原

脊令大如鷽雀长脚长尾尖喙背上青灰色腹下白颈下黑如连钱故杜阳人谓之连钱

黄鸟于飞

黄鸟黄鹂鷽也或谓之黄栗留幽州人谓之黄鷽或谓之黄鸟一名仓庚一名商庚一名鷽黄一名楚雀齐人谓之抟黍鷽西谓之黄鸟当甚熟时来在桑间故里语曰黄栗留看我麦黄甚熟亦是应节趋时之鸟或谓之黄袍

鸛鷽

鸛鷽似黄雀而小其喙尖如锥取茅莠为巢以麻紩之如刺秣然县着树枝或一房或二房幽州人谓之鷽鷽或曰巧妇或曰女匠关东谓之工雀或谓之过羸关西谓之桑飞或谓之秣雀或曰巧女

交交桑扈

桑扈青雀也好窃人脯肉脂及膏故曰窃脂

肇允彼桃虫

桃虫今鷽鷽是也微小于黄雀其雏化而为雕故俗语鷽鷽生雕

振鹭于飞

鹭水鸟也好而洁白故谓之白鸟齐鲁之间谓之春鉏辽东乐浪呉扬人皆谓之白鹭大小如

鸕青脚高尺七八寸尾如鷹尾喙长三寸所头上有毛十数枚长尺余毵毵然与众毛异甚好将欲取鱼时则弭之今吳人亦养焉好羣飞鸣楚威王时有朱鹭合沓飞翔而来舞则复有赤者旧鼓吹朱鹭曲是也然则鸟名白鹭赤者少耳此舞所持持其白羽也

维鵜在梁

鵜水鸟形如鸕而极大喙长尺余直而广口中正赤颌下胡大如数升囊好羣飞若小泽中有鱼便羣共抒水满其胡而弃之令水竭尽鱼在陆地乃共食之故曰淘河

鸿飞遵渚

鸿鹄羽毛光泽纯白似鹤而大长颈肉美如鴈又有小鸿大小如鳬色亦白今人直谓鸿也

弋鳬与雁

鳬大小如鸭青色卑脚短喙水鸟之谨愿者也

肃肃鸛羽

鸛鸟似雁而虎文连蹄性不树止树止则为苦故以喻君子从征役为危苦也

翩彼飞鸇

鸇大如斑鳩綠色恶声之鸟也入人家凶贾谊所赋鵩鸟是也其肉甚美可为羹臠又可为炙汉供御物各随其时唯鸇冬夏常施之以其美故也

流离之子

流离梟也自关而西谓梟为流离其子适长大还食其母故张奐云鵯鵯食母许慎云梟不孝鸟是也

麟之趾

麟麕身牛尾马足黄色圆蹄一角角端有肉音中钟吕行中规矩游必择地详而后处不履生虫不践生草不羣居不侶行不入防阱不罹罗网王者至仁则出今并州界有麟大小如鹿非瑞麟也故司马相如赋曰射麋脚麟谓此麟也

于嗟乎驺虞

驺虞即白虎也黑文尾长于躯不食生物不履生草君王有德则见应德而至者也

有熊有羆

熊能攀缘上高树见人则颠倒自投地而下冬多入穴而蛰始春而出脂谓之熊白羆有黄羆有赤羆大于熊其脂如熊白而麤理不如熊白美也

羔裘豹饰

豹赤豹毛赤而文黑谓之赤豹毛白而文黑谓之白豹

献其貔皮

貔似虎或曰似熊一名执夷一名白狐其子为毅辽东人谓之白羆

狼跋其胡

狼牡名羆牝名狼其子名獬有力者名迅其鸣能小能大善为小儿啼声以诱人去数十步止其猛捷者人不能制虽善用兵者亦不能免也其膏可煎和其皮可为裘

教猱升木

猱猕猴也楚人谓之沐猴老者为獼长臂者为猿猿之白腰者为獼胡獼胡猿骏捷于猕猴其鸣噉噉而悲

有鱣有鲔

鱣出江海三月中从河下头来上鱣身形似龙锐头口在颌下背上腹下皆有甲纵广四五尺今于盟津东石碛上钓取之大者千余斤可蒸为臠又可为鲙子可为齏鲔鱼形似鱣而色青黑头小而尖似铁兜鍪口在颌下其甲可以磨姜大者不过七八尺益州人谓之鱣鲔大者为王鲔小者为叔鲔一名鰪肉色白味不如鱣也今东莱辽东人谓之尉鱼或谓之仲明鱼仲明者乐浪尉也溺死海中化为此鱼又河南巩县东北崖上山腹有穴旧説此穴与江湖通鲔从此穴而来北入河西上龙门入漆沮故张衡赋云王鲔岫居山穴为岫认此穴也

维鲂及鲤

鲂今伊洛济颍鲂鱼也广而薄肥恬而少力细鳞鱼之美者渔阳泉物刀口辽东梁水鲂特肥而厚尤美于中国鲂故其乡语居就粮梁水鲂鲤似鲂厚而头大鱼之不美者故里语曰网鱼得鲤不如防茹其头尤大而肥者徐州人谓之鲢或谓之鳊幽州人谓之鰮或谓之胡鳊

鱼丽于罟魴鯉

魴鯉尔雅曰鯉鲔也许慎以为鯉鱼玃以为似鯉颊狭而厚

九罟之鱼鱗魴

魴似鯉鱼而鳞细于鯉也赤眼多细文

鱼丽于罟鰾魛

鰾一名扬合黄颊鱼似燕头鱼身形厚而长骨正黄鱼之大而有力解飞者今江东呼黄鰾鱼一名黄颊鱼尾微黄大者长尺七八寸许魛吹沙也似鲫鱼狭而小体圆而有黑防一名重唇魛常张口吹沙

象弭鱼服

鱼服鱼兽之皮也鱼兽似猪东海有之一名鱼狸其皮背上斑文腹下纯青今以为弓韃步义者也其皮虽干燥以为弓韃矢服经年海水将潮及天将雨其毛皆起水潮还及天晴其毛复如故虽在数千里外可以知海水之潮气自相感也

鼉鼓逢逢

鼉形似蜥蜴四足长丈余生卵大如鹬卵甲如铠今合药鼉鱼甲是也其皮坚厚可以冒鼓

成是贝锦

贝水中介虫也 鼈之属大者虬小者为贝其文彩之异大小之殊甚众古者货贝是也余蚶黄为质以白为文余泉白为质黄为文又有紫贝其白质如玉紫防为文皆行列相当其大者常有径一尺小者七八寸今九真交趾以为杯盘实物也

螽斯

尔雅曰螽蚘蛸也扬雄云春黍也幽州人谓之春箕春箕即春黍蝗类也长而青长角长股青色黑斑其股似玳瑁文五月中以两股相搓作声闻数十步

嚶嚶草虫

草虫常羊也大小长短如蝗奇音青色好在茅草中今人谓蝗子为螽子兗州人谓之螽

趨趨阜螽

阜螽蝗子一名負蟄今人謂蝗子為螽子兗州人亦謂之螽

莎鸡振羽

莎鸡如蝗而斑色毛翅數重翅正赤或謂之天鸡六月中飛而振羽索索作聲幽州謂之蒲錯

去其螟螽及其蟊賊

螟似蜉蝣而頭不赤螽蝗也賊桃李中蠹蟲赤頭身長而細耳或說云蟊蝼蛄食苗根為人害許慎云吏防人犯法即生螟吏乞貸則生蟊吏祇冒取人財則生蟊舊說云螟螽蟊賊一種蟲也如言寇賊奸宄內外言之耳故韋為文學曰此四種蟲皆蝗也實不同故分釋之

螟蛉有子

螟蛉者韋為文學曰桑上小青蟲也似步屈其色青而細小或在草葉上蜾蠃土蜂也一名蒲盧似蜂而小腰故許慎云細腰也取桑蟲負之于木空中或書簡筆筒中七日而化為其子語曰祝云象我象我

蟋蟀在堂

蟋蟀似蝗而小正黑有光澤如漆有角翅一名蜚一名蟀 楚人謂之王孫幽州人謂之趨織督促之言也里語曰趨織鳴懶婦驚是也

蜉蝣之羽

蜉蝣方土語也通謂之渠畧似甲蟲有角大如指長三四寸甲下有翅能飛夏月陰雨時地中出今人燒炙噉之美如蟬也樊光曰是糞中蠋蟲隨雨而出朝生而夕死

如蜩如蟬

鳴蜩蟬也宋衛謂之蜩陳鄭云蜩海岱之間謂之蟬蟬通語也蟬蟬之大而黑色者有五德文清廉儉信一名蜺蜺一名蜺蜺青徐謂之蜺蜺楚人謂之蟋蟀秦燕謂之蜺蜺或名之蜺蜺

伊威在室

伊威一名委黍一名鼠婦在壁根下瓮底土中生似白魚者是也

螭蛸在户

螭蛸长踦一名长脚荆州河内人谓之喜母此虫来着人衣当有亲客至有喜也幽州人谓之亲客亦如蜘蛛为网罗居之

硕鼠

樊光谓即尔雅鼯鼠也许慎云鼯鼠五伎鼠也今河东有大鼠能人立交前两脚于颈上跳舞善鸣食人禾苗人逐则走入树空中亦有五伎或谓之雀鼠其形大故叙云石鼠也魏今河东河北县也诗言其方物宜谓此鼠非今大鼠又不食禾苗本草又谓蝼蛄为石鼠亦五伎古今方土名虫鸟物异名同故异也

为鬼为蜮

蜮短狐也一名射影如 二足江淮水滨皆有之人在岸上影见水中投人影则杀之故曰射影也南方人将入水先以瓦石投水中令水浊然后入或曰含细沙射人入人肌其创如疥

卷髮如蚤

蚤一名杜伯河内谓之蚊幽州谓之蝎

胡为虺蜴

虺蜴一名蝮螭蜴也或谓之蛇医如蜥蜴青绿色大如指形状可恶

颌如蟾蜍

蟾蜍生粪中尔雅曰 蟾也蟾蜍蜴也

鲁诗

申公培鲁人少事齐人浮丘伯受诗为楚王太子戊傅及戊立为王胥靡申公申公媿之归鲁以诗经为训以教无传疑是为鲁诗于是兰陵王臧代赵绾皆从申公受学臧为郎中令绾为御史大夫皆以明堂事自杀其他弟子如同郡临淮太守孔安国胶西内史周霸城阳内史夏宽东海太守劭鲁赐长沙内史兰陵缪生胶西中尉徐偃胶东内史邹人阚门庆忌治官皆有廉节称申公卒瑕丘江公尽能传之以授鲁许生免中徐公而韦贤治诗事江公许生至丞相传子 成亦至丞相及兄子赏以诗授哀帝至大司马由是鲁诗有韦氏学而东平王式以事徐公许生为昌邑王师其后山阳张长安东平唐长宾沛褚少孙亦先后事式为博士由是又有张唐褚氏之学张生兄子游卿以诗授元帝为谏大夫其门人琅琊王扶为泗水中尉陈留

许晏为博士由是张家更有许氏学初薛广德亦事王式以博士论石渠授龚舍广德至御史大夫舍至山阳太守时平原高嘉亦以诗授元帝为上谷太守传子容少为光禄大夫孙诩以父任为郎中以世传鲁诗知名王莽时逃去不仕又有曲阿包咸师事博士右师细君习鲁诗亦去归乡里世祖即位徵诩为博士至大司农咸举孝廉除郎中至大鸿胪永平初任城魏应亦以习鲁诗为博士徵拜骑都尉卒于官

齐诗

辕固生齐人以治诗孝景时为博士窦太后好老子书召问固曰此家人言耳太后怒令固刺彘帝怜之以利兵与固彘应手倒后帝以固廉直拜为清河王太傅固老罢归已九十余矣公孙 亦事固固授昌邑太傅夏侯始昌始昌授东海剡人后苍苍为博士至少府苍授諫大夫翼奉前将军萧望之丞相匡衡衡授大司空琅邪师丹高密太傅伏理詹事颍川满昌由是齐诗有翼匡师伏之学满昌又授九江张邯琅邪皮容皆至大官其后伏黯传理家学改定章句作解詁九篇位至光禄勳以授嗣子恭恭以黯任为郎永平中拜司空恭删黯章句定为二十万言年九十卒又蜀郡任末广汉景鸾皆以明习齐诗教授著述而卒

韩诗

韩婴燕人景帝时为常山太傅婴推诗之意而作内外传其言颇与齐鲁间殊淮南贡生受之燕赵间言诗者由韩生河内赵子事婴授同国蔡谊谊至丞相谊授同国食子公与王吉为昌邑王中尉食生为博士授泰山丰吉吉授淄川长孙顺顺为博士丰为部刺史由是韩诗有王食长孙之学丰授山阳张顺顺授东海髮福皆至大官建武初博士淮阳薛汉传父业尤善说灾异防纬受诏定图防当世言诗推为长后为千乘太守坐事下狱死弟子犍为杜抚防稽澹台敬伯钜鹿韩伯高最知名抚定韩诗章句建初中为公车令卒官其所作诗题约义通学者传之曰杜君注抚授防稽赵 举有道时又有光禄勳九江召驯闾中令巴郡 仁山阳张匡皆习韩诗匡为作章句举有道徵博士不就

毛诗

孔子删诗授卜商商为之序以授鲁人鲁身授魏人李克克授鲁人孟仲子仲子授振牟子振牟子授赵人荀卿荀卿授鲁国毛享享作诂训传以授赵国毛萇时人谓享为大毛公萇为小毛公以其所传故名其诗曰毛诗萇为河间献王博士授同国贯长卿长卿授阿武令解延年延年授徐敖敖授九江陈侠为新莽讲学大夫由是言毛诗者本之徐敖时九江谢曼卿亦善毛诗乃为其训东海卫宏从曼卿受学因作毛诗序得风雅之防世祖以为议郎济南徐巡师事宏亦以儒显其后郑众贾逵传毛诗马融作毛诗传郑 作毛诗笺然鲁齐韩诗三氏皆立博士惟毛诗不立博士耳